



ArcelorMittal

# s a o p š t e n j e

Rudnici ArcelorMittal Prijedor treći na svijetu  
po kvalitetu zaštite na radu

**Prijedor, 30.10.2008.** – Rudnici kompanije ArcelorMittal u Prijedoru su rangirani na visoko treće mjesto svjetske liste po pitanju zaštite na radu u kategoriji rudnika sa površinskom eksploatacijom.

Ovo međunarodno priznanje dodjeljuje revizorska kuća IRCA Global, kompanija koja se bavi revizijom i konsaltingom u oblastima zaštite zdravlja, bezbjednosti na radu, zaštite životne sredine i kontrole kvaliteta.

Tim revizora se nedavno na licu mjesta uvjerio u kvalitet i nivo zaštite na radu u rudnicima ArcelorMittal Prijedor, a ovo priznanje dolazi kao rezultat tih dobrih pokazatelja. Predstavnici kompanije će primiti nagradu „IRCA zlatni globus“ na svečanoj ceremoniji početkom novembra u Južnoj Africi.

„Zaštitu na radu smo velikim trudom i ulaganjima doveli na visoki nivo koji odgovara vrhunskim svjetskim standardima. To je zasluga svih zaposlenih koji su uključeni u naš proizvodni proces, ali i rezultat ulaganja i posvećenosti tom cilju čitave ArcelorMittal Grupe. Naš princip je da se ne smiju praviti kompromisi kad je u pitanju zaštita zaposlenih, a ovo značajno priznanje nam potvrđuje da je to dobra smjernica za budućnost“, rekao je g. Murari Mukherdži, generalni direktor ArcelorMittal Prijedor.

- kraj -

### ***O kompaniji ArcelorMittal***

ArcelorMittal je najveća svjetska kompanija za proizvodnju čelika, sa preko 320,000 zaposlenih u više od 60 zemalja.

ArcelorMittal je lider na svim velikim globalnim tržištima, uključujući tržište automobila, građevinarstvo, aparate za kućanstvo i pakiranje; sa naprednim sektorima istraživanja i razvoja, kao i značajnim količinama sirovina i izvanrednom distributivnom mrežom.

Prisutnost u industrijama 20 zemalja širom četiri kontinenta plasira kompaniju na sva ključna tržišta čelika, od onih koja su tek u razvoju, do zrelih i stabilnih tržišta.

Ključni finansijski rezultati kompanije ArcelorMittal za 2007. pokazuju prihode od USD 105.2 milijarde, sa proizvodnjom sirovog čelika od 116 miliona tona, što predstavlja oko 10 posto ukupne svjetske proizvodnje.

ArcelorMittal je prisutan na burzama u Njujorku (MT), Amsterdamu (MT), Parizu (MTP), Briselu (MTBL), Luksemburgu (MT) kao i na burzama u Španjolskoj- u Barseloni, Bilbao, Madridu (MTS) i Valensiji.